

Om oss

European Social Survey ERIC (European Research Infrastructure Consortium) er ansvarleg for Den europeiske samfunnsundersøkinga (ESS). ESS blir gjennomført i rundt 30 land i Europa annakvart år, og inneheld spørsmål om haldningane dine, livshendingar, området du bur i, og meir faktabaserte spørsmål. Den innsamla informasjonen blir slått saman, og resultata blir samanlikna mellom alle landa som har deltatt. ESS ERIC har inngått avtalar med alle organisasjonar som er involverte i ESS, som mellom anna angir korleis personopplysningane dine kan brukast.

Det er viktig for oss å vareta personvernet ditt. I dette informasjonsarket forklarar vi kva vi gjer, og kva rettar du har.

1. Kva opplysningar om deg bruker vi?

Alle opplysningar som kan identifisere deg, blir rekna som «personopplysningar» og er verna av lova.

Dette inkluderer namn, adresse og annan kontaktinformasjon. Visse typar informasjon fell inn under det som blir kalla særlege kategoriar av personopplysningar. Det kan for eksempel vere informasjon om helsa di, fagforeiningsmedlemskap og politiske synspunkt. ESS samlar inn alle desse typane personopplysningar.

Viss du vel å ikkje delta i spørjeundersøkinga, kan vi spørje om grunnen til dette – for eksempel om det kjem av ein språkbarriere.

Ein intervjuar vil stille deg spørsmål, og svara dine blir registrerte på ein datamaskin/eining. Dersom du vel å avslutte undersøkinga før du er ferdig, vil vi framleis bruke informasjonen du allereie har gitt, med mindre du ber oss om å la vere (sjå punkt 6 om rettane dine nedanfor).

2. Korleis fekk vi kontaktinformasjonen din?

Ditt namn er tilfeldig valt ut frå Folkeregisteret for deltaking i studien. Dette bidrar til å sikre at vi får eit representativt utval, det vil seie eit utval som omfattar dei ulike synspunkta til alle slags ulike grupper i Noreg.

3. Når blir opplysningane dine brukte?

I Noreg blir ESS-undersøkinga gjennomført i løpet av 2025 og 2026. Vi samlar inn opplysningar frå oppstarten av ESS mens vi gjer førebuingar til undersøkinga, når vi inviterer deg til å delta, i løpet av undersøkinga, når du svarer på spørsmåla, og i etterkant. Kontaktinformasjonen din blir sletta når undersøkinga blir publisert av ESS ERIC Data Archive, seinast innan desember 2027. Utanom dette blir svara på spørjeundersøkinga, der alle direkte identifiserande personopplysningar er fjerna, lagra på ubestemt tid hos ESS ERIC Data Archive hos den norske organisasjonen Sikt – Tenesteleverandøren til kunnskapssektoren.

Viss du samtykker til at ESS ERIC kan kontakte deg igjen i samband med seinare studiar, blir kontaktopplysningane dine lagra fram til utgangen av 2030. Merk at viss du samtykker til å delta i seinare studiar, vil informasjonen frå denne spørjeundersøkinga slåast saman med informasjonen frå andre spørjeundersøkingar i vår regi som du svarer på i framtida.

4. Kva organisasjonar får innsyn i opplysningane dine?

Fleire organisasjonar er involverte i ESS og kan få innsyn i opplysningar om deg.

- ESS sin nasjonale koordinator (NK) i Noreg, Sveinung Arnesen har det overordna ansvaret for ESS-undersøkinga nasjonalt.
- *NK har peika ut Ipsos til å gjennomføre undersøkinga.*
- Centerdata, eit uavhengig og ikkje-kommersielt forskingsinstitutt som ligg på universitetsområdet til Tilburg-universitetet i Nederland, driftar plattformen spørjeundersøkinga blir levert på. Centerdata kan teoretisk få tilgang til kontakt- og personopplysningane dine, sjølv om dette ikkje er ein del av den rutinemessige praksisen deira.
- NK / Ipsos, saman med Centerdata, er dei einaste organisasjonane som har tilgang til kontaktopplysningane dine. Viss du samtykker til å bli kontakta igjen seinare, vil Centerdata lagre kontaktinformasjonen til dette formålet fram til utgangen av 2030.
- ESS ERIC Data Archive hos Sikt lagrar svara du gir på spørjeundersøkinga, utan namn og kontaktinformasjon, på ubestemt tid. Svara blir frå sende NK/Ipsos via ei nettplattform som blir drifta av Universitetet i Pompeu Fabra (UPF) i Spania.

All informasjon som blir overført mellom organisasjonane som er involverte i ESS, blir overførte på ein sikker måte. Alle eventuelle overføringer til Storbritannia blir utførte i samsvar med EU-kommisjonen si avgjerd om tilstrekkeleg beskyttelsesnivå av juni 2021 om overføring av personopplysningar frå EU til Storbritannia.

Dei publiserte resultatane blir gjorde tilgjengelege på nettsida (www.europeansocialsurvey.org).

På grunn av spørsmåla vi stiller, er det ein liten, teoretisk moglegheit for at svara dine, når ein ser dei i samanheng, kan identifisere deg. Det blir nytta metodar i alle stadium av prosessen for å redusere moglegheita for dette. Også svar som ikkje blir publiserte, blir behandla på denne måten. Forskarar i godkjende forskingsinstitusjonar kan søkje om tilgang til slike upubliserte resultat til bruk i forskingsstudium. Ettersom slik upublisert informasjon kan innehalde meir potensielt identifiserbar informasjon enn dei publiserte resultatane, er det ei svært liten, men noko auka sannsynlegheit for at desse upubliserte svara, når ein ser dei i samanheng, kan identifisere deg. Derfor krevst det spesielt løyve for å få innsyn i denne informasjonen. I tillegg treffer vi særlege tiltak for å redusere moglegheita for identifisering også før forskarar får innsyn i nokon av dei upubliserte resultatane.

5. Rettsleg grunnlag for bruken vår av personopplysningane dine

ESS blir gjennomført annakvart år til forskingsformål. Det rettslege grunnlaget for all behandling av personopplysningar er utføring av ei oppgåve til beste for allmenta og dessutan til formål knytt til vitskapleg forskning (EUs personvernforordning og dessutan Storbritannias personvernforordning¹ artikkel 6 nr. 1 bokstav e, artikkel 9 nr. 2 bokstav j og artikkel 89 nr. 1).

6. Rettane dine og korleis du utøver dei

Du har rett til

- innsyn i personopplysningane dine
- å be om retting av eventuelle feilaktige personopplysningar vi har om deg
- å be om sletting av personopplysningane dine
- å be om avgrensa behandling av personopplysningane dine, det vil seie å be oss om å stanse med behandlinga så lenge personoppysningane dine blir kontrollerte
- å protestere mot behandlinga vår av personopplysningane dine

Du har desse rettane så lenge vi kan identifisere deg. Viss du ønskjer å slutte å få informasjon eller ønskjer å få opplysningane dine sletta, kan du kontakte Ipsos. Viss du har spørsmål rundt rettane dine, kan du kontakte ESS ERIC sitt personvernombod.

Ver merksam på at vi sannsynlegvis ikkje kan identifisere deg med sikkerheit etter at vi har sletta namn, adresse og annan informasjon om deg. Det gjer at det ikkje lenger vil vere mogleg å slette resten av informasjonen du har oppgitt. Du har rett til å klage til UK Information Commissioner's Office eller Datatilsynet.

Dersom du kontaktar Ipsos for å utøve rettane dine, kan dei ha ei rettsleg forplikting til å behalde enkelte av opplysningane dine for andre formål i ein vidare periode. For eksempel kan dei vere underlagde ei rettsleg forplikting om å føre eit register over kven som har kontakta dei, og korleis førespurnadene er følgde opp.

Kontakt oss viss du har spørsmål eller ønskjer å levere ein klage

- Det nasjonale ESS-teamet v/Sveinung Arnesen, e-post: sveinung.arnesen@uib.no
- Ipsos: Sven Meyvis (DPO) +47 22 95 47 00, dpo.norway@ipsos.com
- Behandlingsansvarleg: ESS ERIC, c/o ESS ERIC HQ, City St George's, University of London, Northampton Square, London EC1V 0HB, Storbritannia. ess@city.ac.uk (Behandlingsansvarleg er ansvarleg for å verne personopplysningane dine.)
- Personvernombodet (DPO), ESS ERIC: dpo.esseric@europeansocialsurvey.org
- ESS ERICs personvernorgan CESSDA ERIC, Solheimsgaten 16, 5058 Bergen, Noreg: ess-gdpr@cessda.eu

ESS ERIC si personvernerklæring er tilgjengeleg på: www.europeansocialsurvey.org/about/pri.html

Viss du ønskjer å levere ein klage, kan du kontakte enten:

Datatilsynet
Postboks 458 Sentrum
0105 Oslo

eller

UK Information Commission's Office: <https://ico.org.uk/global/contact-us/email/> eller per post: Wycliffe House, Water Lane, Wilmslow, Cheshire, SK9 5AF, Storbritannia

Slik finn du resultata frå undersøkinga

Du finn resultata frå undersøkinga på European Social Survey-nettstaden (www.europeansocialsurvey.org).